

tsainarpâ Danielemut annigame kattimavingmit, taimaglo uvlârsiutiksangit akkiletauvt vochemit vochemut.

Sonntagit unnusangita illangane ajokertuijub sâliarame kênakulluk kâdlartok katjârtok kingomavâ, shillingelo atuinaujok kollerutsivingme utakkivingme tigujaulungilak kattimaniksab sorainningane.

Paingudlarlune Danielib utakkivâ kaut tamât, Jessikale sakkijârlungilak inginiarlune Danielib seniane sâb terrekoane, uvlârsiutiksakarlune sâmine, apertsutekarlunelo sunatuinarnik. Angijomik kingomavâ, issumajârutigilâllo. Suna pivlugole taimak issumajârutigivaûk? Sôg apertsorsimangilaûk Jessika nane iglokarmangât? Taimailivlunelo angerarpok, kênaujarniarviublo aglangit kemergovait. Kênaujane tauksêjut agganginêttut, sorlo aglait nellonaijaingmatta, kittipait, kuviasudlarlunelo nagvarpok paundinik 400 enik kattersoisimagame, unuksivalliatinainigillo vocht tamât.

Sonntagib kingorliane Jessikab iksivautarivaktanga inukangimingmat, Danielib issumajârutekarninga sâlakarsinnarpok udsertutsiarasuarninganik kauji-jaujomangininganik. Kattimaniksab kingorngane ajokertuijok utakkivingmut aisimavok, shillinge atuinavok taikane kollerutsivingme, nutte, avilortartokarpok upkoamut, Danielelo nikkanarsarlune itterpok.

“Kanok issumakarkêt, Standring?” ajokertuijub aperivâ. (Daniel taimak attipsâkarmat.)

“Innilaigosukpunga sorrusekulluk Jessika pivlugo,” okarpok. “Kaujimagalloarpunga attausiârdlutit nellipsalaurangne iglungane, unipkautilaungmanga tamattominga. Taimaimat aperijomavagit, nane iglokarmangât, takkojartoromagama kannoelingamangât.”

“Nakudlarpok, Standring, nakudlarmaripok!” ajokertuijok kiovok. “Issumakalauralloarpunga